

欽定剿平三省邪匪方略

欽定剿平三省邪匪方略正編卷一百二十八

辛酉年

正月初五日

壬午

德楞泰奏言竊

臣

前於十八日

在寧羌之石羊關將張世澂辛聰陳朝觀等各

逆截剿折向東南移調提臣七十五探蹤剿辦

臣

卽由寧汙馳赴陝境茲於二十二日行抵漢

中府與長麟陸有仁會晤詳悉籌商陝境各路

賊情長麟卽日仍回黃冠嶺軍營

臣

原擬次早

由西鄉進發隨接據城固洋縣稟報江北樊冉等賊於二十一日分股一竄華陽濫壩子西走卽至馬道驛一竄板撓河勢向雞冠巖奔逃該處西走卽係北棧之馬道等情正在籌計間亥刻陸有仁又令漢中府知府趙洵來營面稟雞冠巖等處賊股已至馬道驛現在只有城守兵丁數百名等語查棧道爲川陝要路不但文報

往來且現在京餉陸續過境並西安解赴各路
軍火軍裝等項絡繹不絕未便致有梗阻況漢
中府城至馬道驛不過一百四十餘里相距甚

近

臣

旣已帶兵到此自應權衡緩急就近剿辦

隨即連夜帶兵前進二十三日申刻兵至距馬
道驛四十餘里之青橋驛探得該逆聞我兵前
來已由馬道驛向武關西溝奔竄該處西南可

通川境西北卽係甘省時又接到提臣慶成來
信以高馬等大股賊匪已被痛剿賊向東南奔
竄仍在邊界一帶遊奕又稱西鄯紫陽安康並
沿河等處均有賊股屯踞時分時合勢甚猖獗
業已札商總兵喜明藩司溫承惠由東面截剿
等語查漢江南鄭一帶賊匪屢來窺伺卡隘均
經長麟節次截剿未能入陝業已折回川省南

江地方刻下西鄉迤西邊界賊蹤已遠惟迤東
之紫陽安康並界連楚境等處賊股較多現在
往來狂奔慶成雖知會喜明溫承惠由東截擊
究竟賊眾兵單驟難得手因思臣前准額勒登
保咨送欽奉

諭旨令額勒登保在陝境適中之地鎮靜扼駐如果
各逆合竄甘境已派楊遇春格布舍帶兵勇三千

馳往正可幫同長麟上緊剿辦等因是此股西竄

賊匪已有官兵跟蹤而來但賊股西竄非川卽

甘倘由峒陽搶渡白水江則可由昭化直達川

西尤爲緊要臣卽飛咨勒保並嚴飭上游沿江

文武嚴密防堵臣卽折回漢中仍向西紫探明

賊蹤趕緊籌剿務將南岸一帶賊匪次第殲除

並由北面逼歸川境設該匪等畏懼兵威相率

入川則川省賊勢又重嘉陵江岸水涸灘淺現
屆新正尤恐賊衆乘間窺伺勒保等兵力不敷
勢難兼顧臣總當查看賊勢輕重隨時酌量緩
急辦理期於大局均有裨益奏入

上命軍機大臣傳諭德楞泰曰江北樊冉賊股竄近
棧道德楞泰權衡緩急就近剿辦並欲將漢江南
岸之賊由北面逼歸川境飛咨勒保等嚴防嘉陵

江岸所見甚是此時勒保在川東剿辦零星賊匪
所有防江事宜惟七十五一人在彼究不足以資
彈壓前曾降旨令德楞泰總須兼顧川省茲德楞
泰帶兵在陝猶恐逗回川境之賊因嘉陵江岸水
涸灘淺乘間窺伺預爲籌備實能顧及全局昨據
額勒登保奏冉樊等逆經額勒登保督率各路官
兵盡力追逐離陝省東面已及千里額勒登保現

馳抵漢陰剿辦又據長麟慶成等奏於巖方坪一帶將首逆李裁縫僞總兵魏元伏殲擒並探聞綸布春汪啟等剿辦江北之賊大獲勝仗殲斃一千餘人等語看來陝省賊勢已極窮威德楞泰與額勒登保相距不遠聲勢聯絡正當乘此兵威壯盛之時分投剿捕以期剋日蕩平現在高姓一股已由南岸躡淺過江經畧近在漢陰自能迎頭截擊

惟紫陽平利一帶賊股較多往來奔竄而楚省高二及黃號賊匪經長齡痛加殲戮翻越界嶺逃入陝省平利境內徐添德一股其勢既孤恐亦接踵竄陝德楞泰若能將漢江南岸之賊掃除淨盡實所深愿否則必須逼令折回川境自易集事德楞泰惟當察看何股賊匪緊要卽先行剿辦次第肅清朕亦不爲遙制總須於三月以前一律辦竣

膺厚賞勉之望之

初六日癸未書麟倭什布奏言臣等接據探報青

號徐添德等大股在泉溪火燒坪水坪一帶百

餘里忽分忽合四散放火逃竄臣等一面飛檄

竹山竹谿鄭陽等處嚴加防範一面知會孫清

元吉林泰等將所帶馬步各隊分投兜截並派

叅將姚國棟遊擊承祿同知阿霖帶領兵勇前

往接應據竹山縣知縣范繼昌報稱賊匪探馬
竄至潘口黃毛關一帶該處練勇施放鎗礮轟
擊該匪等不能抗拒旋向山溝奔逃該勇等躡
蹤緊趕練勇陳秉寅鎗斃執旗騎馬賊目一名
餘匪四散不敢近城由田家壩深河一帶奔竄
卽係孫鎮打散之賊呈繳賊旗上寫威鎮九州
總兵字樣狂悖已極今被該練勇鎗斃殊爲痛

快復據孫清元報稱二十五日由水坪一帶前進賊在對面山頭探望一見官兵卽翻山奔逸追獲活賊四名訊據劉中生等供稱老師傅徐添德被官兵打敗甚是害怕原想偷過黃龍灘下竄均穀襄陽一帶搶掠不想又被官兵截打只得折回逃走徐添德有兩個僞元帥一名王登廷在四川被擒一名張允壽手下頭目名袁

萬又探馬孫狗兒殺死金知縣前日在和合塢
偽總兵衛雲被孫總兵鎗傷左脇旋即斃命擡
回燒化竄至泉溪想截官兵尾子不想又被馬
隊衝散張允壽說孫總兵利害只得向老林裏
並無路徑地方行走官兵難追再分十餘股放
火牽綴官兵官兵趕來四散走開夜間舉火爲
號就好聚集要搶糧食過年再走陝西合夥現

在徐添德股內還有偽總兵三人是王七兒何昇賴應舉探馬頭是陳天保都戴翎頂矛手二千餘名亦有鎗礮馬匹等語又據沈習成等四犯供稱大畧相同均係脅從分別辦理又據鄖西縣知縣孔繼榘報稱冉逆在陝境石窩子一帶據軍功千總徐良九帶領鄉勇巡哨至教場關盤獲賊匪一名供稱我名黎明襄陽宜城人

老掌櫃劉全義冉學勝張世瀝是頭目我師傅
劉三現在陝境差我探聽兵勇多寡要想衝漫
川關由鄖西鄖陽分股一往襄陽一往河南餘
無要供當卽臬示各等情又接長齡來字協同
明亮一路乘勝緊追高二賊股至陝楚交界之
大花園經長齡帶領侍衛塔津保呢瑪善叅將
德興等翻山下壓明亮帶領侍衛恒官富翰叅

將黃定選等於溝內抄出兩路並進鎗擊箭射
斃賊四百餘名生擒活賊一百餘名該匪不擇
路徑由栗子鋪翻越界嶺逃入陝省平利界內
乘勝跟追入陝等因臣等卽督飭孫清元吉林
泰等上緊分投兜剿並檄飭鄖陽鄖西各路營
弁兵勇及把守黃龍灘總兵德昌等督率兵勇
嚴密防堵以杜竄逸查陝楚邊界犬牙相錯一

過竹谿界嶺卽係平利界內再過平利數十里
又入楚界山路盤旋繚曲惟當不分畛域互相
堵剿總期協力同心迅速藏功以慰

聖慈厘注奏入

上命軍機大臣傳諭書麟倭什布曰湖北此時祇有
徐添德一股在竹山邊界分竄經書麟等飭令鎮
將分投搜捕均有斬獲自新春以來連日遞到喜

報事機極爲順利書麟等現又分投布置奮力兇
剿果能迅縛渠魁捷書踵至卽書麟等之大功必
當倍加懋賞近日各處賊匪俱已饑困難堪惟聞
徐添德一股賊匪衣履尙全且據摺內稱練勇三
緞賊旗上寫威鎮九州字樣狂悖已極可見此股
尙未十分窮蹙徐添德爲起事首逆最爲狡猾兇
悍不可不迅速殲擒現據獲賊供出徐添德有兩

偽元帥一係王登廷一係張允壽王登廷前經拏獲正法其張允壽一犯素爲徐添德管事而能打仗在賊隊中著名之人必當設法殲擒如僅將徐添德殄除而張允壽任其免脫卽與未經殲滅徐添德無異若生獲徐逆務須將該犯起事緣由及數年滋擾地方各罪狀詳細訊明一面錄供具奏一面卽在該處寸磔傳聞川陝澤該處民人同聲

稱快倘臨陣殲斃亦當驗明屍身轢割示衆其張
允壽一犯助惡已久亦當照此辦理一得喜音卽
由六百里加緊馳奏至摺內稱長齡明亮乘勝緊
追高二賊股至陝打仗得勝情形與前日長齡所
奏相同陝楚邊界本屬犬牙相錯書麟等所稱不
分畛域互相堵剿之語深得封疆大臣之體現在
高二一股雖經長齡追剿入陝亦難保其不復行

折回而龍苟馬五等股在陝境竄擾經德楞泰大
兵在彼截剿亦恐其壓向東趨卽孔繼楨稟報冉
逆在陝境石壩子一帶屯聚訊據獲賊供稱冉張
等逆有要由鄖西鄖陽分往襄陽河南之語此股
賊匪昨據額勒登保奏報已竄至鎮安縣地方但
楚陝各處邊隘毗連均關緊要書麟等務當督飭
卡隘實力巡防嚴密堵禦勿使一名闖入楚境此

爲最要至鎗斃執旗騎馬賊目之練勇陳秉寅甚
爲出力著賞給八品頂戴如情願當差卽補授把
總實缺如不願當差卽令其頂戴榮身以示鼓勵

初十日丁亥勒保奏言竊臣前因大寧金竹坪一

帶有藍白兩號賊衆千餘人出沒游奕當卽帶
兵由川北取道新開進剿嗣抵新寧探聽賊匪
尙在金竹坪游奕隨卽督兵兼程前進二十日

師次開縣探得該匪等竄屯紅花園地方遣有零星散匪在譚家壩榨井壩一帶摸樁若我兵專由此路進剿恐賊知兵至勢必仍由老林折竄陝楚邊境必須取道南埡場進山先遏東北竄路直搗中堅方易得手惟該處山高路窄馬匹斷不能行當派薛大烈帶領副將田朝貴叅將羅聲臯遊擊李錦麟等挑取奮勇步隊兵勇

三千名由南埕場進發臣督率阿哈休永寧等

帶領馬步隊由譚家壩進發計算程途薛大烈

一路可於二十三日到紅花園本定次日進兵

詎該匪等已先期探知卽由紅花園竄入白馬

廟薛大烈等自抵南埕場後官弁俱棄馬步行

二十四日至霍成壩探知匪衆尙在白馬廟屯

紮四更發兵該處多係一線羊腸雪深路險祇

容隻身行走官兵於二十五日巳刻抵一盪水
卽有賊數十人在彼哨望一見官兵旋卽奔逃
我兵趕上殺死十餘名生擒二名直趨白馬廟
山梁賊衆竟分兩路前來迎敵官兵奮勇競進
鎗箭齊發斃賊一百數十名生擒劉克巳等七
十三名投出男婦馮友學李楊氏等二十五名
口奪獲賊旗刀矛甚多時值傍晚賊衆退據大

灣平頭崖兩山之頂倚恃山險與官兵對面紮
營勢頗猖獗二十六日發兵三路進剿無如山
勢太陡仰攻不易僅鎗斃賊匪十餘名生擒彭
添奇等六名都司張拱辰並兵勇十餘名身受
石傷未能卽時得手適臣於是日同阿哈保永
寧趕抵白馬廟當卽督兵馳往夾擊賊知兩路
有兵連夜遁走大蓋頂山於椒園坪深林內留

有伏賊欲俟前隊官兵過去抄我後路二十七

口黎明臣進抵平頭崖據逃出難民尤際昌等

告知埋伏情由當派田朝貴帶兵由山王廟山

頂下壓臣卽督大隊進溝搜捕上下兜圍殲擒

七十餘名阿哈保薛六烈旋卽催兵追殺直至

大蓋頂山我兵兩路蹙進悉力仰攻搶上山梁

與賊攪殺一處斃賊一百餘名生擒夏明照等

四十三名中鎗帶箭而逃者甚多餘衆潰散向
羅筐灣馬家營一路奔竄是日又陸續投出難
民男婦大小二百十三名口臣訊據活賊夏明
照等供稱此股賊匪係藍號羅半年徒弟楊步
青爲首並有岳姓先鋒不知名字自從湖北同
樊人傑冉添土等大夥竄回川境在太平境內
被官兵剿散楊步青帶有八百餘人鑽入川陝

邊界黃墩一帶老山林內到處摸樁現有一千
三四百人前在菜子壩地方有白號劉元帥只
帶四五人前來痛哭訴說被官兵將手下人殺
淨他假扮難民逃奔至此當經楊步青撥出三
百名戰手給伊管領同走該逆等因探聽大兵
俱在川北原想到雲陽開縣一帶出來擄掠忽
聞有官兵已到溫湯井劉元帥說白馬廟一帶

地勢陡險官兵斷不能進來所以退往屯紮不料連日被官兵進山殺敗只剩幾百人要由馬家營一帶老林躲避各等語餘無要供當將從賊充當戰手之劉克已等一百四十一名立時正法其餘被脅未久並自行投首者二百四十五名口均給銀米路票遞籍安插臣查羅半年本無其人係從前羅其清之綽號今據供藍號

楊步青係羅半年之徒自係羅其清夥黨無疑
白號劉元帥是否卽係劉朝選各犯俱稱不知
查前獲摸樁賊目符大成供稱劉朝選在板木
園隻身跳崖奔逃嗣聞已被官兵殺死等語

臣

因未得該首逆實在下落符大成所供亦難憑
信茲夏明照等供白號劉元帥只帶四五人投
入藍號自係劉朝選無疑現在該匪等尙剩數

百人竄遁老林若再以重兵追剿勢必又竄陝境且現據探報有賊兩股從湯家壩紅池壩兩處闌入大寧諒係自楚竄來之賊如

臣

帶兵深

入老林設後股竄近雲開腹地無兵剿辦必致

又形散漫是以

臣

飛飭總兵託雲泰卽由城口

一路帶兵將現竄馬家營老林之賊盡力攔截

遏其竄陝之路

臣

一俟託雲泰驅賊出山卽可

督兵痛剿其自湯家壩一帶竄進之賊

臣遵

旨不卽派兵攔截俟其深入川境再行剿辦至此次

官兵在山內剿賊三晝夜均係攀藤附葛躡雪

步行洵屬勞苦出力員弁兵勇十數人間受石

傷均不甚重再前據渠縣大竹稟報有安仁溪

打散餘匪數十人出沒摸樁在梁山縣栢林漕

一帶潛匿先經

臣

奏派遊擊桂涵馳往搜捕連

日登據該遊擊會同地方官督率兵勇盡力搜捕有經桂涵追及殲擒者有梁山太竹寨勇捕獲者除殲斃外統計又獲陳宗桃等四十八名均經訊明正法是此股餘匪業已辦盡合併陳明

勒保又奏言竊臣連日奉到十二月初一等日

上諭五道仰見我

皇上厯念軍務宵旰焦勞於剿堵撫一切機宜悉荷
廟謨廣運訓示周詳伏念此次教匪擾及四省事越
五年發帑徵兵時煩

睿慮每因賊勢散漫未能立就蕩平其中難辦情形
早邀

聖明洞鑒在川楚陝甘文武軍民人等或不免有各
守疆界之心而臣等係領兵大員又職任封圻

受

恩深重明知賊匪一日不完地方卽一日不靖安忍
以驅之出境爲目前苟安自利之私圖惟賊匪
奔竄靡常大率皆因被剿情急始行他竄而官
兵往往於追逐之餘忽爲別股牽綴不得不先
其所急以致敗賊遠颺實有不能辦完一股再
辦一股之勢楚陝兩省與四川毗連處所自廣

元以至巫山綿亘二千餘里均係崇山峻嶺本
非用武之地官兵一經深入人力難施每多苦
累必須設法轟賊出山始能剿辦得手而賊匪
朝秦暮楚豕突狼奔又有不能竄到一處卽在
一處辦完之勢川省堅壁清野之法本係臣於
嘉慶三年到川後通飭辦理民間始猶畏難繼
因賊匪滋擾碉寨百姓多有保全人心始各踴

躍本年

臣

又會同德楞泰遵

旨督率妥辦並委員到處勸諭稽察築寨團練更有
成效賊匪因不能掠食擄人欲圖他竄自係實
情查各寨硯地勢本佔便宜人事亦俱奮勉然
亦祇能自守或遇賊氛臨近爲官兵助勢並搜
捕零星竄匪可得其力若竟責其堵截賊匪出
入路逕勢有不能況堵之一說本較剿爲尤難

川東川北州縣地方跬步皆山路路可通而陝
楚沿邊一帶更復林深箐密道路綿長雖有數
萬官兵安設營卡布置亦斷難周密欲使賊匪
無從竄逸誠非易易前次臣與額勒登保德楞
泰彼此札商均以逼賊入川爲聚而殲洗之計
本未令邊隘堵截來路茲奉疊次

諭旨飭令德楞泰帶兵赴陝責成臣及七十五在川

併力剿捕餘匪並籌辦善後事宜如陝楚之賊
向西南奔竄不必派兵在川省邊界攔截臣稟
承

睿訓仰見

聖主通籌全局實出於萬不得已之慈衷惟川民無
知以爲本省祇德楞泰與臣及七十五三路征
兵今德楞泰一路官兵赴陝剿賊恐川省兵力

單薄賊勢又將蔓延來川多有以此爲慮者

臣

本不便將逼賊入川之議宣露通知惟諭以邊

隘旣嚴寨硿又好賊衆斷不敢妄生窺伺縱有

大股闌入現有

臣

及七十五兩路征兵儘足以

資剿辦爾百姓祇須嚴守寨硿幫同官兵堵截

不特自衛更可立功因此民情亦頗安貼以川

省刻下賊情而論惟太平大寧廣元邊界老林

尚有零星餘匪其餘俱在陝楚境內距川均不
甚遠現聞楚境之賊已有闌入大寧山內在湯
家壩紅池壩一帶游奕者一經迎剿勢必折回
陝楚是以此時臣並不派兵攔截誘令各匪竄
進使之深入腹地庶兵力易於施展更可痛剿
得手以川省刻下兵力而論除防守嘉陵白水

江兩岸並廣元太平夔州各境外臣與七十五

兩路軍營打仗兵勇共有一萬餘名川省現無
大夥賊衆足敷搜捕卽或有一二股竄入而

臣

現在川東七十五現在川北亦足資分剿然地
方實在遼濶設陝楚各股匪衆竄來較多勢難
兼顧必須陝楚之兵跟追前進方能收兩面夾
擊之益至嘉陵江爲全蜀西南保障前此被賊
竄越荼毒川西數十萬生靈

臣

刻刻懸懷且屢

據獲犯供稱因川東川北寨硿緊嚴難以擄掠
均欲西竄嘉陵江是防江最爲目前急務查刻
下江水日涸處處可以躡淺而過前經臣專派

文武員弁會同地方官督率團勇鄉勇分段嚴

防因川省兵力無多臣曾與德楞泰會派總兵

許文謨副將趙得功祇各帶兵勇千餘名作爲

游兵上下分馳以備策應臣昨又添撥兵丁五

百餘名並派總兵張志林在川北一路督防尚
恐不能分布現又嚴飭該管道府會同委員添
安團勇深挖淺灘以期有備無患如邊境之賊

此時不卽竄來

臣

尙擬親往巡查妥爲布置萬

一楚匪深入川東

臣

卽不能分身前往只可一

面督兵剿賊一面就近顧住川東定合一帶江
岸其川北境內防守嘉陵白水各事宜已諄囑

七十五隨時兼顧妥辦以專責成而資捍衛倘
陳朝觀張士澐辛聰等大夥匪衆因德楞泰已
帶兵入陝賊又折竄來川或卽由南廣境內深
入巴儀逼近江岸臣自當權其緩急酌留官兵
在川東境內預備迎剿臣卽帶兵馳赴川北相
機督辦總之軍務移步換形局面不時更變臣
惟有盡一己之心思智慮儘川省現有官兵熟

籌辦理斷不敢存取巧欺飾及畏難推諉之見
均奏入

上命軍機大臣傳諭勒保曰勒保奏督兵迎剿東路
竄匪官兵於一線羊腸之路攀藤附葛躡雪步行
未始不爲奮勉但不過殲剿零星賊匪並未獲一
首逆殲盡一股卽各處摸樁賊匪亦未能搜捕淨
盡似此玩悞耽延竟無成功之日矣覽奏甚爲不

對平三賢那裏客正編卷三宣天

省百姓團練鄉勇築立碉寨兼之津貼費用實爲出力良民今乃欲令陝楚竄匪入川滋擾豈朕顧惜陝楚赤子獨不顧惜四川赤子乎若使川省百姓聞知此語或至離心解體關係甚大勒保切不可稍有宣露此爲最要據奏川省兵勇共有一萬餘名足敷搜捕勒保以現有之兵剿辦零星摸樁賊匪尙未能迅速肅淨若有大股賊匪竄入川省

腹地豈轉能施展兵力抑豈竟恃嘉陵江爲之攔
隔乎且所奏楚境之賊已闌入大寧山內在湯家
壩紅池壩游奕等語亦係約畧之辭楚境賊匪祇
有高二徐添德兩股現在高二已竄赴陝省平利
界內而徐添德亦在竹山經書麟等在彼剿辦更
有何匪竄赴川境或係從前藍黃白線股內落後
餘匪然亦不過零星餘匪並非大股匪衆勒保近

在川東豈於大寧一帶竄入之賊尙未知其姓名
而亦爲此傳聞之語乎勒保曾經獲罪棄瑕錄用
擢任總督委以軍旅重任豈僅知感知畏等空言
所能塞責自應通盤籌畫隨時相機妥爲酌辦若
賊匪竄入老林則以冰凝路險難以深入爲詞而
一經竄出平原又謂賊勢散漫難以兜圍似此兩
無所據每隔旬日奏報一次不過剿殺零星賊匪

百數十名竄行塘寨賊匪究於何年始能辦竣耶
再嘉陵江一帶爲全蜀西南保障前因德楞泰已
赴陝境恐七十五不足深恃是以諭令勒保前往
該處督率剿堵事宜今勒保既知該處關係緊要
並稱刻下江水日涸處處可以涉淺而過而仍在
川東爲零星賊匪牽綴朕心尤爲懸厪勒保當酌
量情形遵照前旨於阿哈保薛大烈永寧三人內

酌留二員在川東一帶搜捕零星餘匪勒保卽當
前赴川北一帶剿辦賊匪兼顧嘉陵江防堵事宜
遇賊卽剿先將川境肅清若再玩延干咎決以國
法治罪

同日書麟倭什布長齡奏請竊臣書麟倭什布

連日布置兜剿徐逆分股竄匪各路均有殲擒

臣長齡會同明亮擊賊高二等賊逃入平利界

內旋卽乘勝跟追入陝節據探報徐添德大股
知官兵剿辦緊急遂分路肆竄平口河白河口
鐵峪河橫峪河漳洛河七里溝等處又磨灘王
口羊王溝松樹嶺蒲溪嶺一帶均有賊匪忽東
忽西蹤無定向糧運文報間有梗阻之處竊思
徐添德係積年猾賊最爲兇狡今在西南山內
屯聚肆擾向南則入川境稍北則係竹山竹谿

萬一東竄腹地則房縣保康而下卽屬南漳穀
城襄陽並遠安當陽一帶向係賊人竄擾熟路
亦復處處可通地形漸入平坦各該處又無多
兵守禦更慮蔓延爲患必得乘其紛無定向之

時分路剿辦

臣

書麟倭什布所帶祇步兵五百

名馬兵一百名卽孫清元吉林泰處馬步隊二
千三百餘名以之剿辦此股逆匪亦屬稍單並

據獲犯張有遜等供稱徐添德探知湖北秋收
尙好令夥黨回川勾結別股賊匪來楚搶掠等
語若不趕緊撲滅楚民荼毒何所底止因思明
亮自元年在湖北剿辦教匪最爲得力臣書麟
到營後歷詢居民及獲賊人等僉稱賊衆素極
畏憚且高二等敗殘餘匪業經遠竄而徐添德
現在楚境忽分忽合趨向靡常莫若將長齡明

亮得勝之兵先行剿滅此股使各路匪衆聞風
喪膽適探知長齡明亮追賊入陝自西而北距

臣

等軍營不遠當卽星馳前往當面熟商若不

將徐添德卽在楚境剿除恐復與川陝他股賊

匪互相煽結

臣

書麟倭什布長齡與明亮通盤

籌畫意見相同遂一百抽撥馬隊一百名步兵

一千一百餘名派副將朱士奉帶領由竹山之

得勝舖一帶隨剿隨堵過其折竄黃龍灘之路
倘儘力窮追遇有陝省慶溥溫承惠總兵喜明
馬玉魁等帶兵截剿接辦有人該副將可帶原

兵回楚隨同

臣

等協剿徐添德庶幾兵力較厚

可望迅速肅事並飛飭向駐黃龍灘之總兵德

昌帶領原駐官兵嚴密防禦毋任高二股內餘

匪潛竄入境

臣

長齡等卽將原帶馬隊四百數

十名步兵一千餘名從平利之白土關一帶會

同臣書麟等相機進探聽徐添德首逆現屯

何路卽從何路進剿並與孫清元吉林泰等知

會策應頃據孫清元等稟報連日從官渡河泥

灣等處進兵訊據被裹民人供稱該匪現由廟

坪至白虎溝查該處南通九道梁東通上龕紫

草等路若從手扳巖廟坪進兵轉成尾追之勢

必得由鐵峪河瓦房坪取道上龕即可攔截等語

臣

等察看賊勢非入川境卽東竄房縣保康

現無多兵分作數路截擊應以保護東面腹地

爲要現在進兵道路俱係陡坡仄徑一線羊腸

中間路路可通幸連日大晴兵勇行走踴躍飛

囑孫清元吉林泰若能與

臣

等兩面合擊使賊

腹背受敵較易集事後路糧運節經委員分路

防護債催可無缺悞再據防守邊境之糧道恒
慶及鄖西縣孔繼楨稟報探聞陝省賊匪向西
奔竄距鄖境稍遠等語臣等仍飭率領各卡兵
勇小心防範勿因賊蹤漸遠畧存大意奏入

上命軍機大臣傳諭書麟倭什布長齡曰高二等逆
本係長齡明亮專辦之賊今閱書麟等所奏情形
是長齡明亮並未能趕緊抄擊痛加剿殺致令賊

匪遠颺現在書麟倭什布因徐添德大股賊匪在
楚境忽分忽合趨向靡常恐其勾結別股蔓延滋
擾馳往長齡明亮軍營當面熟商抽撥馬步官兵
派副將朱士奉帶領堵剿以遏高二等折竄之路
仍令長齡明亮將得勝之兵回楚併力協剿徐添
德大股賊匪自應如此辦理徐添德係起事首逆
最爲兇悍狡猾每遇官兵驅令難民婦女排列在

前官兵遇賊打仗鎗礮所傷多係裹脅難民而實在賊匪見前列被傷轉得先行逃避漏網稽誅書麟等於帶兵接仗時務須飭令官兵先將賊隊前列難民設法解散注意中堅將實在教匪奮力剿殺以期悉就殲除如能將徐添德及僞元帥張允壽生擒卽遵照前旨詳細研審一面錄供具奏一面卽在該處正法傳首川陝地方俾他賊聞而喪

瞻卽臨陣殲斃亦須驗明身屍褫割傳首示衆並
須將此股餘匪卽在楚境一律殲除勿留遺孽此
卽書麟倭什布長齡明亮四人之功朕必優加懋
賞若再令此股賊匪竄逸屆時復以防守邊界藉
詞塞責則長齡明亮不能辭罪況似此往來追逐
任聽賊匪出入自如何時始能辦竣耶至副將朱
士奉旣帶領官兵追剿高二等敗竄之賊如與慶

溥溫承惠等會合剿殺得有勝仗書麟卽迅速馳

奏以慰塵注

欽定剿平三省邪匪方略正編卷二百二十九

辛酉年

正月十一日

戊子

上命軍機大臣傳諭陝甘四川湖北各督撫曰自嘉慶元年剿辦教匪以來所需餉項部庫及各省撥解爲數已不下十千萬兩自朕親政之後疊降諭旨嚴飭核實辦理各該督撫及承辦之員尙不敢任意侵漁是嘉慶四年以後所撥餉銀核其成數

較之從前減少不啻數倍外省經手支發尚有條
理其嘉慶三年以前每次所撥餉銀動輒二三百
萬不逾數月又復奏請續撥此三年內撥餉甚多
伊等作何動用尙未報部核銷其中浮冒情弊自
所不免卽如三年以前由部發出軍需各該省局
內動稱平兌短少而四年以後所發之銀一經平
兌多屬有贏無絀是從前經手之員有意侵欺捏

報短少卽此一節已可概見若統俟大功告竣
并題銷則牽連弊混必致礙難稽核自應截明年
分畫出界限以清帑項所有嘉慶三年以前領發
軍需著各該督撫先行題銷務須逐款詳悉核查
如有浮冒分肥情弊卽行據實嚴叅治罪並著落
照數賠繳如從前辦理軍需之宜綿福寧英善秦
承恩畢沅胡齊崙等俱早經離任抵罪亦無所用

其迴護各該督撫接奉此旨務須認真核查迅速
題報倘有扶同徇隱情事一經部臣核出則惟各
該督撫是問

同日長麟陸有仁奏言竊

臣

等連次接奉

諭旨跪讀之下戰慄悚惶伏念

臣

等身任督撫遇有

此等賊匪滋擾之事竟不能迅速剿滅上慰

天心下蘇民困已屬有靦面目若再不知急切籌辦

或留一分餘力或有一息偷安天良亦復何在
臣
長麟於未奉

諭旨以前因樊逆賊匪竄出褒城所屬之馬道驛已
入棧道本擬移兵西向以防該匪竄入甘省卽
就近追躡前往趕緊剿辦庶使額勒登保專意
剿辦山內賊匪不致分心兼顧並可不致多分
山內兵力適因張辛等股賊匪甫經截堵出境

尙未遠離勢又不得不畧爲停待已一面差探

一面將隨臣征剿兵勇及派留漢南一帶防守

之兵勇開列清單咨明額勒登保慶成有案嗣

據探報寧羌南鄭邊界各股賊匪已入川省南

江通江界內距卡稍遠臣長麟正在抽調兵勇

料理起營間適於二十八日欽奉

諭旨嚴飭臣分身剿賊臣更宜迅速欽遵辦理查現

在再學勝前股賊匪於二十三日由石泉縣屬
芝毛家河至土門溝口適楊遇春帶兵趕到奮
力追剿擒殺賊匪五百餘名並殲斃偽元帥冉
大志偽先鋒張定桂餘匪分股向洋縣茅坪一
帶西竄其後股賊匪於二十二日竄至寧陝廳
所屬之黃官峪與伍懷志賊匪合夥又冉逆分
出小股賊匪二三百人於二十日竄至孝義廳

屬之紅廟河距廳城二十餘里該署廳孫樹率同巡檢姚綸帶領鄉勇四百名趕至該處截殺賊匪數十人搶獲騾馬九頭匹逃出被裹難民男婦一百餘名口鄉勇陣亡一名餘賊四散遁入老林又漢江南岸一大股賊匪於十八日三更時由安康之五塊石躡淺渡江奔入漢陰南山適額勒登保由東面兜截冉逆已至漢陰城

外正扼該匪東竄之路當卽分兵截擊該匪現
已由池河一帶西竄又徐添德一股賊匪由楚
省折回竄入平利屬之塘坊壩明亮長齡隨後
追剿已抵竹谿邊界又屯聚沿河之龍紹周苟
文明等大股賊匪現由安康之馬鬃嶺西竄總
兵喜明藩司溫承惠等帶領兵勇追剿又有德
楞泰帶兵由西鄉趕赴東路是陝省賊匪股數

雖多現在俱有官兵剿辦惟樊人傑賊股現由

武關西溝竄入黑河一帶游奕查黑河旣通川

省亦通甘省

臣

長齡當將漢南防堵事宜移交

慶成統率照料卽於二十九日連夜催齊兵勇

於正月初一日起程趕赴黑河追剿樊逆賊匪

倘

臣

官兵未到之先該匪業已竄入甘省

臣

卽

帶兵入甘竭力剿辦若該匪尙未入甘務由北

面將該匪逼入川境後再行察看情形應堵應剿何處緊要卽趕赴何處相機辦理至陝西藩司溫承惠雖係文員然節年在安康平利一帶辦理防堵爲時最久於彼處路徑情形頗爲熟悉且所帶鄉勇亦能訓練有方甚屬得力應請仍留安康平利協同堵剿又甘肅藩司廣厚現因患病留於秦州調養尙未痊愈不能帶兵

臣

長齡前因江北賊匪自東面折回慮及或有竄
甘之事當經札致將軍蘇寧阿酌帶官兵以巡
閱營伍爲名先赴省城彈壓又飛札廣厚再調
甘省各營官兵二千名交署總兵齊郎阿管領
駐紮秦州以備調遣所有甘省應辦事宜臣長
麟亦已先期籌畫惟以賊匪趨向尙在未定未
敢遽行張皇入奏至於築寨團勇事宜誠爲目

前急務屢蒙

皇上諄諄訓誨

臣

等何敢稍存泄視惟川陝情形實

有不同之處川省地居天險如大成寨大團包
方山坪等寨每處可容數萬人其小者亦容數
千人非但賊匪不敢侵犯且團勇等均可恃衆
乘機邀擊若陝省則於陡險山巔就勢結構每
寨僅容數百人至千餘人不等並無寬廣可容

冬人之處川省膏腴之壤山地皆係稻田民居
稠密其勢易合陝省南山以內多係老林外省
客民苦力開墾僅能播種包穀各就其所墾之
地構木而棲零星散處有隔十餘里始有居民
十數戶者有隔數十里始有居民數十戶者若
令每有一村各修一寨力單人少不惟無資修
築卽能修亦不能守若令糾合數村共築一堡

而相隔途遠人心又復不齊南村之人欲於近
南修築北村之人欲於近北修築紛紛爭論終
無成議迨經官爲勸諭百姓當面首肯逾時仍
不遵從是地勢民情實皆不如川省之易辦

臣

長齡於本年正月到任後卽於二月間分委臬
司王錕率同名委員專辦甘省築寨團勇事宜
又委平慶道祝曾督率各委員專辦陝省築寨

團勇事宜甘省地雖瘠薄均係土著民人一經
勸諭無不欣然樂從於四五月間各處堡寨均
已一律修築完固本年秋間賊匪入甘經過堡
寨每以彼此各不相犯之好言央懇百姓而百
姓每於賊匪過寨後亦必糾衆齊出趕截賊尾
或殺賊數人或奪獲騾馬數頭匹總不令賊匪
安然經過是甘省堡寨雖不能如川省之人多

勢衆幫同官兵打仗然亦實能各衛產業身家
至陝省之西同鳳一帶居民亦皆土著共知利
害一經勸諭卽將各堡寨一律修齊其與安漢
中兩府附近漢江南岸一帶亦有土著居民自
奉勸諭之後每邑亦結有堡寨百餘處並數百
處者臣陸有仁行抵漢中時卽派明幹正佐各
員一百馳赴邊界相度地勢挖壕築壘以杜賊

匪竄越一面於經過地方親爲察看凡地勢難以據守者卽令歸於附近大寨其業已興築而民力不繼者官爲捐助又恐結寨之後民勇但知自衛而於賊匪奔竄要隘轉無人攔擋殊於堵禦未便

臣

陸有仁復分委委員前赴各寨反

覆曉諭以爾百姓但知守寨設賊匪竄入攻圍外無救援勢必日久仍致疎虞不若於堡寨之

外擇其總要隘口每寨分撥數百人或千餘人
合力守卡使賊匪不能入境則堡寨更可安堵
無驚且爾等如果能殺賊立功必當專摺奏

聞仰荷

皇恩獎賞如此剴切曉諭以上卡之日每名日給包
穀一升各寨勇頗知踴躍是以南鄭西鄉義勇
於廟壩陳家壩星子山等處協助官兵奮勇擊

賊並有義勇陣亡之事此卽現在辦理稍有成
效者

臣

陸有仁到漢兩月以來早作夜思無刻

不以結寨團勇設防籌堵爲兢兢惟是陝省北

面有七十二峪口南面緊接川省東面緊接豫

楚周圍綿亘六七千里斷不能處處有勇可團

卽或出資僱募調赴要卡而非其本境伊等不

爲保護身家起見亦不肯傾心出力勢必見賊

卽逃難以倚恃至各村自團民勇固與召募者
不同但究不諳紀律不嫻技藝若賊數無多團
勇較衆尙能齊心追截一遇大股賊匪竄至亦
必驚惶逃散且一經敗走之後勢再不能復聚
縱使地方官加以鼓勵強爲團集而無事之時
充名應卯有事之時仍多逃避實屬於事無益
是必須有官兵領率壯其膽氣勸令隨同堵剿

尚可以助聲勢而地方遼濶路徑分岐焉得有
如許兵力逐處分布領率臣等悉心籌辦無計
不施而萬分焦急情形實亦不敢冒陳

天聽今復奉

諭旨責成各督撫令各州縣認真團勇保護村莊不
得以保守城池爲名閉門自守並蒙

指示陝省之鳳縣等二十二處州縣核其實能勝任

者責令團練守禦若不能勝任卽行撤回另選
幹員奏調仰見

層慮精詳於防堵事宜尤爲嚴密周至臣等伏查西

安府屬五郎孝義蓋屋之外尙有藍田鄆縣商
州並所屬鎮安山陽之外尙有雒南商南漢中
府屬尙有畧陽一處均係屢經賊匪滋擾之區
亦須查辦但僅委各廳州縣辦理誠恐未能妥

速必須專派大員指定地方庶責有攸歸可明
卽收成效應請將五郎孝義藍田整屋鄠縣五
處專派臬司文需總司查辦商州鎮安山陽雒
南商南五處專派潼商道吳沂總司查辦平利
安康白河洵陽紫陽五處專派候補道李翺總
司查辦石泉漢陰城固洋縣南鄭西鄉六處專
派延榆綏道楊護總司查辦鳳縣留壩褒城沔

縣寧羌畧陽六處寺派護陝安道趙洵總司查
辦^臣等仍不時親往查察如能加意團練堵剿
有功卽行保奏若懈怠從事致令賊匪肆竄滋
擾立即據實嚴叅設州縣中有不能勝任者亦
卽隨時撤回更換仍再欽遵現奉

諭旨出示剴切曉諭以收衆志成城之效奏入

上命軍機大臣傳諭長麟陸有仁曰陝省團練守禦

本係長麟陸有仁等分內應辦事務近經朕籌及
節降諭旨指示長麟等始行遵照辦理茲於五郎
孝義等處選派臬司道府大員分投督辦各專其
責以期加意團練堵剿有功此目前要務自應如
此布置其各府州縣於所管境內有能認真出力
者該督撫卽據實保奏倘懈忽從事任聽賊匪滋
擾不能堵禦自當查明嚴叅以示懲儆所遺之缺

卽迭派妥員更換至所稱徐添德一股由楚省折
回竄入平利屬之塘坊壩等語此信不確此股竄
入平利之賊昨據長齡奏到係高二一販並非徐
逆其樊人深股匪現由武關西溝竄入黑河一帶
長麟已赴黑河追剿務須在該處上緊剿淨或將
該匪由北而逼入川省庶易集事斷不可令其深
入甘境致無賊之區又遭蹂躪再藩司廣厚現因

患病留於秦州調養不能帶兵一節何以該藩司
既未奏聞而長麟等亦不早具奏廣厚在甘近來
本無出力之處著查明該司如果患病未愈卽奏
令解任回京倘病漸就痊此時樊逆業有竄甘之
勢該處防堵亦須大員督率仍令廣厚在彼帶兵
不可再有疎懈干咎又冉學勝前股經楊遇春在
石泉縣屬之毛家河一帶奮力追剿擒殺賊匪五

百餘名並殲斃僞元帥冉大志僞先鋒張定桂尙
未據額勒登保具奏想捷音業已在途日內卽可
報到再該省新設寧陝鎮地方萬山叢雜最爲扼
要現在伍懷志與冉逆後股合夥在寧陝廳屬之
黃官峪奔竄是該處堵剿尤關緊要所有該鎮應
行添募新兵是否現已足額並如何加意訓練足
資控禦之處總未據該督撫奏報所辦何事耶著

長麟等飭令上緊召募訓練俾成重鎮以杜賊匪等竄入老林之路此爲最要

十二日已額勒登保奏言竊臣接據探報高馬

股匪自竄過江北之後連日於漢陰南山之九

條溝堰坪長尾溝漢陽坪一帶肆意擄掠以爲

度歲之計臣於前月二十六日督同札克塔爾

穆克登布等西進抵龍王溝欲取道三官殿進

剿乃該匪聞有兵到折回漩窩地方向馬家營
漢王城等處有東奔之勢

臣

恐其由恒口東出

大路二十七八等日轉由漢陰馳赴雙乳鋪一

帶截剿途次拏獲探馬頭李有德一名訊據供

稱此股係高三馬五王廷詔亦在其內戰手及

男婦共有四五千入近由南岸竄過北岸希圖

掠食過年昨聞官兵向西他們折回欲向東走

又怕遇官兵令我假作買賣人打聽等語當卽

正法臣查該匪甫經東折又復差探官兵消息

狡滑殊甚但逼近歲除衆心必懈正應乘間趕

擊二十八日晚間探報該匪竄聚五洋河蒿坪

河等處相距尙有一百數十里臣卽於三更時

發兵派令總兵豐紳侍衛多隆武協領布蘭泰

副將游棟雲陳尙德叅將張廷楷都司李應祥

等帶領馬步兵勇田右路小垵子進剿

臣

率同

札克塔爾桑吉斯塔爾穆克登布安福副將劉

瑞楊芳豆霽參將張元麒遊擊王得勝等帶領

馬步兵勇由左路之越嶺關恒口遙坡嶺八角

樹梁抄出二十九日午後豐紳一路兵勇先已

馳抵五羊河腦該匪得有信息卽集衆由獅子

溝搶上獅子梁櫻桃垵見豐紳一路之兵不多

竟呐喊憑高下壓豐紳等亦已搶占山包幾次

賊匪衝撲被鎗箭擊退相持一時之久賊匪愈

聚愈多臣與札克塔爾所帶馬步官兵陸續已

到桑吉斯塔爾穆克登布鍾福等率領兵勇策

馬衝上山坡鎗箭並舉將持矛抗拒之賊殲斃

一百數十人臣並令架礮轟擊眼見擊斃紛紛

賊勢甫退天色已晚我兵紮定營卡時已二更

臣
察其情勢宛悍夜間必來偷撲營卡預行戒
備三更後果有賊出沒屢經鎗礮擊退均向牛
溪河一帶東走黑暗之中不能追趕令官兵等
稍爲憩息初一日五鼓

臣

率領在營文武望

闕行禮後

臣

料賊詭計夜間雖屬向南早間必又

西出卽帶兵徑出五羊河腦過鶯嘴崖抄赴五
郎坪迎剿於未刻正遇賊結隊而來札克塔爾

穆克登布豐紳等率領官兵直前奮擊該匪不能抵拒又翻山分股向開河凌冰河折而東竄我兵追逐四十餘里翻過五重大山斃賊四百餘名生擒二百數十名賊匪是晚由鹿池壩復竄近蒿坪河欲赴江岸副都統額勒亨額因接到臣知會已酌帶官兵數百名至蒿坪河截剿初二日黎明賊匪見有官兵卽由東北奔竄額

勒亨額追擊賊尾並獲數十人是日臣本帶兵

由蒿坪河前進探知賊已折竄卽由仙月寺七

里溝追剿沿途殲擒一二百人該匪亡命竄上

小埡子欲赴恒口適臣前經派出截賊之侍衛

捫欽保特依順保遊擊劉健標等帶兵勇數百

名由小埡子而來該處山隘甚仄賊匪猝被兵

勇迎頭衝下不知我兵多寡卽竄上附近之鳳

風山

臣

前隊兵勇趕到該匪已佔據山坡搖旗

聚衆飛石如雨委營總鍾福防禦阿爾松阿遊

擊高萬春甲兵烏林阿奮力先行搶撲往回數

次鍾福受矛傷二處阿爾松阿受矛傷一處高

萬春頭帶石傷頗重腰手共帶石傷數處

臣續

催官兵齊到各官兵人人用命無不思乘勝殲

滅此股賊匪遂分爲數路不避艱險隨進隨剿

一齊搶上賊匪帶箭中鎗及滾跌死者約有二

百餘人山徑愈上愈險臣與各將弁徒步而上

時至申刻該匪亡命扒上極高山頂屯聚三四

山尖滾放石塊該處兩旁無路若被我兵搶佔

該匪卽不能存立我兵連次攻撲該逆等抵死

抗拒天色已晚山路陡峻旣難搶上亦不便還

撤臣遂與各官兵俱在山頭畧砌壻卡露處敵

住俟天明時極力攻剿乃該匪等勢難久延於
二更後捨死由山後無路處所旋折偷遁臣於

黎明督師追趕山之陰坡冰凌果大見賊滾跌
死者數十人驟馬倒斃更多官兵亦艱於行走
直至三十餘里始得小路驅兵緊進沿途斬獲
六十餘人賊匪過雙乳舖又翻入北山老林此
三日間共計殺賊一千餘人生擒八百餘名所

有新近被脅之人解散殆盡奪獲器械騾馬不計其數師行尙爲順利惟因限於地勢未得殲獲渠魁辦完一股焦憤倍深所有前後生獲各犯訊明旗手陳安順王朝順僞副元帥卜重敬周元貴凌遲處死從逆日人者三百四十餘名正法其近處隨從未久者審明交糧員散給銀米路票釋放官兵累日奔馳日行一百四五十

里炊爨不遑且鍋帳均未趕到不得不畧加整頓而進再據楊遇春格布舍等具報十二月二十三日楊遇春等帶兵趕至石泉之兩河值冉學勝一股賊匪從溝內竄出楊遇春格布舍與總兵張鳳各帶馬步官兵分路衝擊斃賊數十名賊匪向西北潰逃我兵乘勢追趕將賊截爲兩段一半由旁路翻山竄向漆樹嶺一半仍折

向土木溝翻山而去楊遇春格布舍等分頭趕
剿共斃賊三百餘人生擒男婦二百一十二名
殲斃偽帥冉大志先鋒張定桂二名該匪又先
後竄向九池壩合夥察其蹤跡有由石塔寺至
華陽西竄之勢楊遇春格布舍等遣將備酌帶
兵勇向九池壩緊追卽帶兵趕至石塔寺山後
設伏以待二十七日未刻果有賊匪由石塔寺

竄來楊遇春等率同巴圖魯侍衛及鎮將備弁
等帶領伏兵分路出擊該匪猝不及防盡棄騾
馬向右面山梁扒越而遁我兵自下仰攻殺死
一百數十名生擒六十餘名獲犯中有偽副帥
秦玉升一名訊據供稱冉學勝之子冉更枝已
在山上被殺當卽於賊屍中割驗首級屬實楊
遇春等一百帶兵搜山並將獲犯訊明分別辦

理一面緊蹙賊蹤前進等情臣又據地方官稟

報知冉王樊等逆由武關西溝逃竄現經長麟

帶兵由棧道前往督辦臣又經節次札知楊遇

春等務須盡力將冉學勝敗匪剿竣後乘勝卽

協剿冉王樊等股不可使之滋蔓此聞高馬賊

匪臣現督率官兵竭力趕剿又聞洵陽境內有

賊股竄過江北一面飛行查察並知德楞泰已

入西鄉距臣較近一面知會前來臣營面商一

切妥爲籌剿至臣及楊遇春等兩路官兵連次

打仗弁兵鄉勇間有傷亡另行查明咨部辦理

再查有黑龍江委營總鍾福

盛京防禦阿爾松阿遊擊高萬春又寧古塔甲兵
烏林阿向俱勇往此次打仗尤爲超衆出力並
有受傷者可否量加鼓勵之處出自

聖恩再臣接據慶溥喜明馬玉魁溫承惠等稟報龍

紹周苟文明等股賊匪疊經追剿現竄向紫陽

一帶又接長齡來信並各處稟報知高二徐添

德兩股賊匪已先後竄出楚境等情是漢南之

平利安康紫陽等處賊匪較爲著重又聞洵陽

南岸有賊匪一股於二十八日竄過江北之信

臣前經奏明令慶溥赴城洋一帶防守江岸茲

查該副都統在安康等處日久路逕較爲熟悉
當此截剿萬緊之際似又未便令其他往

臣權

其緩急另行札委總兵九十前赴城洋接管關
騰所帶官兵防堵江岸並飭令慶溥喜明馬玉
魁溫承惠等加意截擊毋任賊匪仍行折向東
北又查

乾清門行走副都統綸布春數月以來竟不出力

臣

訓飭數次仍不悛改前由山陽縣派伊帶領

兵弁追剿冉學勝股匪賊已出石泉縣綸布春

並未追及亦未打仗楊遇春亦係由山陽縣帶

領兵弁於綸布春起身之次日前赴堵剿楊遇

春截住賊首打仗一次綸布春聞信卽當赴楊

遇春處合兵協剿乃以

臣

在漢陰縣督辦高三

馬五賊匪卽帶兵回至漢陰如果

臣

處需伊帶

兵自必行文調取今並未奉調任意疲勞兵力
往來跋涉甚屬不識緩急任意遲延應請

旨將綸布春革退

乾清門侍衛副都統作爲兵丁留於軍管効力以
示儆戒奏入

上命軍機大臣傳諭額勒登保曰此次額勒登保探
得高馬股匪竄過江北在漢陰南山地方擄掠額

勒登保由漢陰馳抵雙乳箬一帶督率札克塔爾
桑吉斯塔爾等分投截擊且於新正元旦率同將
領直前奮擊復連日乘勝追躡官兵等無不人人
用命不避艱險隨進隨剿三日之間共計殺賊一
千餘人生擒八百餘名實屬不遺餘力額勒登保
著賞給白玉四喜大吉牌白玉喜字搬指大小荷
包又楊遇春在石泉之兩河石塔寺等處前後殲

擒賊匪七百餘名並殲斃偽帥冉大志先鋒張定桂生擒偽副帥秦玉升並將冉學勝之子冉更枝殺斃亦屬出力楊遇春著賞給白玉喜字牌玉喜字搬指大小荷包又發去火鐮包十個磁翎管十個象牙搬指十個交額勒登保賞給此次打仗出力人員以示鼓勵自新正以來額勒登保遞到兩次捷報現據摺內所奏剿賊情形官兵等於冰雪

近寒之時乘夜進發累日奔馳不遑炊爨艱苦備
嘗是進剿不爲不力殺賊不爲不多朕亦不忍再
加督責但未能殲獲渠魁辦完一股於大局仍無
裨益向來各路帶兵大員剿辦一股賊匪勢已殘
敗奔逃本可一鼓殄除或因他股賊匪從旁路突
至不能不就近接剿以致敗逃之賊無兵追躡沿
途聚積不數日又成大股不獨帶兵大員前功盡

棄且使官兵徒然損折糧餉徒然耗費與未經剿
殺何異此五年以來軍營通病現在高三馬五王
廷詔皆係賊匪中著名兇悍首逆不可不迅速殄
除官兵已獲勝仗卽須專注此股賊匪併力剿辦
以期滅此朝食斷不可舍而之他致令逃竄況此
大股除盡小股不攻而自潰矣誠爲最要至摺內
稱洵陽境內有賊股竄過江北一面飛行查察並

聞德楞泰已入西鄉知會前來額勒登保軍營面
商一切等語額勒登保德楞泰所帶官兵最爲趨
健而賊匪中如高三馬五王廷詔及高二一股極
爲狡悍今洵陽竄來之賊想卽係高二一股德楞
泰旣至額勒登保軍營面商籌剿伊二人自當先
其所急額勒登保或專辦高三馬五王廷詔一股
德楞泰或專辦高二一股是在伊等相機籌酌朕

亦不爲遙制總須顧住東北逼向西南剿辦自可
得手至經畧及帶兵各員如此認真剿辦而賊匪
未盡殄滅皆由各卡隘防堵不力已另降旨諭知
長麟陸有仁督率地方州縣抽撥兵勇認真堵禦
額勒登保等務須趲三月以前將陝省各股賊匪
一律辦竣若遲至春深青苗在地賊匪又可掠食
飽颺卽使處處堅壁清野百姓等將所收糧石運

貯堡內而草莖樹葉賊匪亦可藉以充食延喘游
理又致稍遲至高二徐添德兩股賊匪已先後竄
出楚境一節尙未據書麟等奏到昨已降旨將徐
添德一股專交長齡明亮剿辦即使徐添德竄陝
長齡明亮自必跟蹤前來足資剿捕再慶成係專
派防江之員乃於高三馬五王廷詔及由洵陽過
江各股賊匪漫無防範慶成與派出守禦江岸之

員均不能辭咎何以額勒登保摺內未經叅奏著
卽查明由何人泐地逸出將慶成及疎防各員一
併叅奏候朕核辦治以應得之罪俾防江各員知
所儆戒又據奏鍾福等向俱勇往此次打仗尤爲
超衆出力懇請加恩等語黑龍江委營總鍾福盛
京防禦阿爾松阿著賞戴花翎遊擊高萬春著賞
換花翎寧古塔甲兵烏林阿著賞戴藍翎以示獎

勵其鍾福阿爾松阿高萬春所受矛傷石傷今俱
愈否遇便覆奏至綸布春在軍營不肯出力近復
不候調遣捨所剿賊匪帶兵遠去綸布春著革退
乾清門侍衛副都統作爲馬甲留營効力以示懲
儆

上又命軍機大臣傳諭長麟陸有仁曰本日據額勒
登保奏督師截剿新過江北大股賊衆節次痛加

斬戮並楊遇春等連日趕剿股匪各情形殺賊共
一千五百餘名生擒一千餘名經畧等督兵打仗
竟至露處辛苦備嘗可謂不遺餘力但首逆如高
三馬五究未擒獲不能辦淨一股且洵陽地方又
有竄過漢江北岸之賊奔竄稽誅推原其故總由
於防堵不力是以剿辦尚未得手朕聞陝省兵勇
其健壯者大半歸入帶兵大員營伍剿賊各路防

堵兵勇多以殘病老弱者充數亦勢所不得不然
但剿捕賊匪固不能將精兵勁旅留爲防堵之用
而該省邊界要隘及賊匪往來奔竄熟路必須有
兵勇加意防範俾賊匪無處竄逸剿辦方可得力
長麟陸有仁身爲督撫大員堵禦是其專責自應
將各處防守兵勇詳細查核如實有殘廢無用者
兵則另行抽換勇則召募添補如該處募勇所費

較多斷不可稍存靳惜之見現在陝省兵餉每月需用五十萬兩與其曠日持久零星多費而不能集事莫若厚集募勇一舉成功所費咸獲實效長麟陸有仁務須酌量妥辦佈置周密如需餉若干不妨據實具奏候朕酌撥倘以各路兵勇無庸抽換召募亦必須將如何籌辦實有把握於三月以前一律竣事之處詳晰奏及不得有名無實仍前

疎懈若經此次訓諭之後猶不上緊籌辦防堵致
賊匪又復肆竄必將該督撫嚴行治罪